



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. III. De modo, quo faceinda est translatio Episcopi, & de causis, ac
effectibus ejusdem.

[urn:nbn:de:hbz:466:1-61641](#)

mera potestate humana solvi non potest: & quamvis etiam alii inferiores Prałati, suo modo, & in lenu quodam latiore sponsi suarum Ecclesiarum dici possint, quia tamen haec appellatio tam propria non est, hinc tales inferiores Prałati auctoritate suorum Superiorum immediatorum, sepe taliter à suis Ecclesias transferri possunt.

§. II.

De pœnâ Episcopi, propriâ auctoritate transfeuntis ad aliam Ecclesiam, & an is cogi possit ad transendum?

IN pœnam autem transitus talis, quem à propriâ auctoritate à sua Ecclesia ad aliam, præfatum majorem & ditionem, fecit Episcopus, utrâque carere debet juxta c. quanto 3. b. t. (saltē post sententiam condemnatoriam judicis) vel si propriâ auctoritate suam dimisit aut alienam accepit, saltē illâ, quam taliter dimisit, aut accepit, privari debet, ut in eo puniatur, in quo deliquit, & suo effectu careat ambitio illius. Quod possit autem invitum etiam, si necessitas, aut utilitas jubeat, ab unâ Ecclesiâ separare Episcopum summus Pontifex, & alteri nolentem alligare, communis Ecclesiarum cura, quæ Summo Pontifici imminet, probat.

§. III.

De modo, quo facienda est translatione Episcopi. & de causis, ac effectibus ejusdem.

Regulatiter fieri debet, à minore ad majorem dignitatem, cum pro-

motiones tales gradatim ab inferioribus ad superiora fieri debeant, prout colligitur ex c. 1. b. t. & hinc, cui concessa est facultas transeundi ad majorem dignitatem, non potest vi illius transire ad parem, seu minorem dignitatem, uti habetur etiam ex c. licet 4. b. t. cū facilius Pontifex dispenseat, exigente ita utilitate Ecclesie, in promotione ad majora, quam ad paria aut minora, nisi fundetur causa concessionalis, seu dispensationis super habilitate Personæ, quæ nonnunquam sufficiens, & utilis esse potest ad minora. Causa autem translationis communiter sunt duæ, Necessitas scil. & Utilitas Ecclesie. Effectus autem hujus translationis sunt, 1. Quod matrimonium spirituale inter Episcopum transferendum, & priorem Ecclesiam, à qua transferratur, dissolvatur. 2. Quod alteri Ecclesie jungatur taliter Episcopus, & omnem potestatem taliter translatus acquirat, ac si per electionem, aut alium legitimum provisionis modum obtinisset. 3. Quod vacet prior Ecclesia ipso jure, postquam in translationem consensit transferendus Episcopus, etiam ante acquisitionem possessionem posterioris Ecclesie, ne translatus taliter Episcopus, duarum Ecclesiarum sit sponsus, quod spirituale adulterium esse videretur.

